



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Conclusio affirmativa statuitur

[urn:nbn:de:hbz:466:1-78232](#)

tute studiositatis (sicut orare à virtute religionis) A vel quatenus exercetur secundum regulas illius: Ergo & ignorare Secundum se non est malum morale & peccatum, sed solum ut est à vitio opposito studiositati, quod dicitur negligencia, & in quantum sub illo cadit, & ei subest. Unde sicut supra disp. 3. art. 4. dicebamus, omissionem missæ contingentem in somno, & in ipso indirecte voluntam, non solum in causa, sed etiam in leipsa esse peccaminosam, quamvis id non habeat à se, sed à causa, seu dependenter ab illa; ita in praesenti asservimus, ignorantiam auctualem vincibilem eorum quæ scire tenetur, esse formaliter in leipsa peccatum omissionis, quamvis id non habeat à se, seu secundum se, sed dependenter à causa, in qua libera & voluntaria est, nimirum à negligentia scendi ea quæ scire tenetur. Ex quo soluta manent argumenta, quæ fieri solent in contrarium.

ARTICULUS II.

Vtrum quoties voluntas peccat, precedat aliquis error practicus, vel saltet aliqua inconsideratio in intellectu?

Notandum primum, in intellectu quadruplicem posse reperiri defectum: Primus dicitur pure in scientia, que est carentia cognitionis ejus quod quis non tenet licet, & convenit omni intellectui cretato, sive humano, sive angelico, respectu alieujus objecti, ut articulo praecedenti vidimus. Secundus appellatur ignorantia, que est privatio cognitionis habituatis quam quishabere debet. Tertius dicitur error, qui est judicium de aliqua re aliter quam est. Quartus vocatur inconsideratio, que est privatio actualis considerationis, quam quis debet habere circa objectum, quod habitualiter cognoscit.

Notandum secundum, duplarem distinguuntur: unum speculativum, quo quis judicat licet quod non licet, v. g. furtum esse licitum: aliam practicum, quo judicatur & nunc faciendum esse quod non licet; sicut quando aliquis judicat sibi hunc & nunc conveniens esse futuri. His præmissis, sit.

§. I.

Conclusio affirmativa statuitur.

Dico igitur, non posse voluntatem peccare, nisi aliquis error practicus, vel saltet aliqua inconsideratio seu inadvertentia, in intellectu praecesset. Ita communiter docent nostri Thomistæ contra plures Reuentoribus, & colligite ex Aristotele 1. Ethic. cap. 3. ubi ait: *Omnis pravus est ignorans: cuiusconrum est illud Proverb. 24. Errant omnes qui operantur iniquitatem. Ubi Cajetanus haec scribit: Quia error ad intellectuam partem pertinet, ex hac autoritate scriptura habetur quod omnis malus errat: consonant Philosophi, dicentes quod omnis malus est ignorans. Faver etiam D. Thomas 1. p. qu. 63. art. 1. ad 4. ubi sic ait: Peccatum mortale in actu liberi arbitrii contingit esse duplicitate: uno modo ex hoc quod aliquid malum eligitur, sicut homo peccat eligendo adulterium, quod secundum se est malum; tale pecca-*

tum semper procedit ex aliqua ignorantia, vel errore; alioquin id quod est malum non eligetur ut bonum.... Alio modo contingit peccare per liberum arbitrium, eligendo aliquid quod secundum se est bonum, sed non cum ordine debita mensura aut regule.... sicut si aliquis eliget orare, non attendens ad ordinem ab Ecclesia institutum: & huiusmodi peccatum non pre-exigit ignorantiam, sed absentiam solum considerationis eorum quæ considerari debeni: & hoc modo peccavit Angelus convertendo se per liberum arbitrium ad proprium bonum, absque ordine ad regulam divinæ voluntatis. Quibus verbis S. Doctor aperte docet omne peccatum aliquid defectum in intellectu supponere; in humano quidem, defectum erroris practici; in angelico vero, quantum ad primum peccatum, defectum duntaxat inadvertentia seu inconsideratio.

Ratio, etiam, suadet: Cum enim voluntas sit appetitus rationalis, sequens dictum & directionem intellectus, nunquam eligit aut respuit aliquod objectum, nisi intellectus judicet hic & nunc aliud esse amplectendum vel respuendum: Ergo quotiescumque homo peccat eligendo aliquid objectum malum, & recta rationi dissonum, puta adulterium, aut furtum, debet intellectus judicare hic & nunc aliud esse eligendum: Sed dictum quo judicatur aliquid esse eligendum, quod secundum rectam rationem non est eligendum, est falsum & erroneum: Ergo in omni peccato, quo aliquid objectum moraliter malum eligitur, debet esse judicium practicum erroneum, subindeque aliquis error practicus.

Confirmatur & magis illustratur haec ratio ex doctrina quam tradit Nazarius 1. p. qu. 63. art. 3. controv. 1. Omnis electio voluntatis, quæ bonum aliquid particulare eligitur, supponit aliquem discursum formalem aut virtualem intellectus practici, qui ex duabus constat præmissis, una universalis, quæ dictat bonum esse amandum & prosequendum, & altera particulari, quæ dicit, haec actio hic & nunc in particulari est mihi bona & conveniens, ex qua sequitur haec conclusio regulare electionem: Ergo talis actio hic & nunc a me exercenda est. Sicut ergo in speculativis error vel falsitas, quæ est in conclusione, reducitur ad falsitatem vel errorem, qui continetur in altera præmissarum; ita in moralibus omnis electio prava, & difformis regulis morum, debet procedere ex aliquo errore practico, seu judicio practice falso, quod in aliqua præmissarum contingatur. Unde sicut in isto syllogismo speculativo: Nullum animal præter rationale est risibilis: Sed homo non est animal rationale: Ergo homo non est risibilis. error qui est in conclusione, reducitur in dictum falsum & erroneum, quod continetur in Minor: ita & in isto syllogismo practico, quem homo quotiescumque peccat, vel formaliter, vel virtualliter format: Bonum est prosequendum: Sed elicere hic & nunc hanc actionem difformem regulis morum, puta furtum, vel adulterium, est mihi bonum & conveniens: Ergo hic & nunc a me exercenda: falsitas & error practicus qui est in conclusione, reducitur ad dictum falsum & erroneum in minori propositione contentum.

Dices, tale judicium non esse falsum aut erroneum, qui solum dictat voluntati hanc actionem esse utilem, aut delectabilem sensui, vel appetitu; in quo judicio nulla continetur falsitas,

tas, vel error, cum revera furtum utile sit, & adulterium delectabile.

Sed contra: Ille qui committit furtum, vel adulterium, non solum existimat furtum esse sibi utile, & adulterium delectabile, sed etiam practicè judicat illud hic & nunc à se esse eligendum, & bono honesto, ac observationi legis divinae perferendum; alioquin voluntas, ut pote appetitus rationalis, sequens ductum intellectus, talen actum non eligeret, nec bono honesto & observationi legis divinae ipsum praferret: At in tali iudicio error practicus manifestè reperitur, cum recta ratio & prudenter dicitur oppositum: Ergo quotiescumque homo peccat eligendo aliquod objectum, vel actum B moraliter malum, putat furtum, vel adulterium, aliquis error practicus in ejus intellectu reperiatur.

Dixi, quando homo peccat eligendo objectum vel actum moraliter malum, quia si peccat eligendo aliquid de se bonum, sed non cum ordine debito, non est neccesse quod habeat errorem practicum in intellectu, sed sufficit quod in eo sit aliqua inadvertentia aut inconsideratio, ut de primo peccato Angelorum docet D. Thomas loco citato, & nos in tractatu de Angelis ostendimus. Unde consutò in conclusione diximus, non posse voluntatem peccare, nisi vel aliquis error practicus, vel saltē aliqua inconsideratio, in intellectu praeserit.

Quod potest amplius confirmari, & hoc exemplo suaderi. Si esset aliquis cœcus ex natura sua determinatus ad sequendum ductum alterius, non posset deficere, & à via aberrare, nisi deficiente & aberrante ductore: Sed voluntas est potentia cœca, ex natura sua determinata ad sequendum ductum intellectus; objectum enim specificativum illius est bonum sibi ab intellectu propositum: Ergo non potest in ordine moraliter deficere nisi in intellectu aliquis defectus erroris vel inconsiderationis praecedat.

Addo quod in omni peccato quadam imprudentia reperitur: unde Proverb. i. peccatores stulti & imprudentes appellantur; & Gregorius lib. 15. moral. cap. 23. *Omnis peccator* (inquit) *stultus fuit in culpa.* Ergo cum prudentia sit dirigere rationem practicam in ordine ad agibilia ab homine, sicut ars illam dirigit in ordine ad factibilia, oportet quod in omni peccato aliquis defectus rationis practicæ, subindeque error practicus, vel saltē inconsideratio reperiatur.

S. II.

Solvuntur Objectiones.

Objiciunt in primis Adversarii aliqua testimonia, in quibus dicitur homines peccare scienter & ex industria: Jacobi 3.4. *Quasi de industria recesserunt ab eo, & vias ejus intelligere noluerunt.* Et Proverb. 2. *Latanter cum male fecerint, & exultant in rebus peccatis.* Item voluntatem respuere quod ratio approbat, juxta illud Medea apud Poëtam, *Vide meliora, proboque, deteriora sequor;* & istud, Athenienses sciant quae recta sunt, sed non faciunt: Ergo potest voluntas peccare, nullo existente errore in intellectu.

Sed hæc nullius sunt roboris: debent enim intelligi & explicari de cognitione speculativa, vel de practica universalis, cum qua stat in in-

A telecetu peccantis error practicum in particulari, seu iudicium practicum, quo judicat hic & nunc esse sibi eligendum aliiquid, quod revera eligendum non est. Unde D. Thomas supra citatus 1. p. qu. 63. art. 1. ad 4. sic ait: *Error quidem adulteri in particulari, eligans hanc delectationem ordinati actus, quasi aliquod bonum ad nunc agendum, propter inclinationem passionis aut habitus; etiam in universali non erret, sed veram de hoc sentiam teneat.*

Objiciunt secundò: Si quotiescumque homo peccat, aliquis error in ejus intellectu praederet, omnis peccator esset hereticus, & quoties homo incideret in peccatum, toties labetur in heresim: Sed hoc est falsum & absurdum; cum multi fideles peccent in moralibus, & tamen à fide non deficiant: Ergo & illud.

Hoc etiam argumentum frivolum est: nam cum error, qui in intellectu peccantis existit non est speculatorius, sed practicus; nec fidei, sed solum recta rationis & prudentia adseretur, peccatorem, infidelem, vel hereticum non reddit, sed stultum potius & imprudentem, ut ex testi moni supra adductis patet.

Objiciunt tertio: Homo potest velle aliquid sibi utile, aut delectabile, de quo certò scit, certòque considerat, & esse sibi utile aut delectabile, & esse contrarium recta rationi: Ergo potest peccare, nullo existente errore vel inconsideratione in ejus intellectu. Consequenter videtur perspicua. Antecedens etiam patet, tum in his qui peccant cum remorsu conscientia & tristitia, aut cum expresso culpa & pena contemptu: tum etiam quia objectum voluntatis non solum est bonum honestum, sed etiam bonum utile & delectabile.

Respondeo concessio Antecedente, distinguendo Consequens: potest peccare nullo existente errore in ejus intellectu, errore speculatorio, concedo: errore practico, nego. Licet enim intellectus peccantis speculatorie judicet objectum quod eligit, vel actum, esse malum moraliter; practice tamen judicat sibi bonum & conveniens esse hic & nunc illud eligere, & bono honesto preferre, ut in probatione nostra conclusionis ostendimus.

Instabis: Posito iudicio practico, dictante hic & nunc Deum esse malum, cum hic & nunc instat preceptum dilectionis, voluntas, cum sit libera, potest elicere actum odii, vel actum dilectionis suspendere: Ergo nullo presupposito errore, etiam practico, potest peccare.

Respondeo distinguendo Antecedens: Potest elicere actum odii, vel actum dilectionis suspendere, potentia antecedenti, & in sensu diviso, concedo: potentia consequenti, & in sensu composito, nego. Posito enim iudicio practico in intellectu de eliciendo actu amoris, voluntas infallibiliter illum elicit; cum judicium illud sit de se efficax, & habeat rationem imprimi, saltē virtualis: non destruitur tamen ejus libertas, quia talis necessitas seu infallibilitas non provenit ab extrinseco, sed ab ipsa voluntate, quæ sicut applicuit intellectum ad illud iudicium ita potuit ipsum applicare ad oppositum.

Objiciunt ultimum: Si quotiescumque homo peccat, praecedet aliquis error practicus in ejus intellectu, nullum daretur peccatum ex pura malitia, sed quodlibet ex ignorantia procedere.